

დოკუმენტების წინასწარ მომზადება

გაფორმების პროცესში დიდი მოცულობის საბუთების განხილვა დიდ დროსთანაა დაკავშირებული, სწორედ ამიტომ შემოსავლების სამსახური გთავაზობთ შესაძლებლობას დოკუმენტები მოამზადოთ წინასწარ საქონლის შემოსვლამდე. ამ სერვისით სარგებლობა შეგიძლიათ ოფიციალური ვებგვერდის www.rs.ge მეშვეობით, გადასახადის გადამხდელთა ავტორიზირებული ანგარიშიდან.

დეპოზიტა თანხის განთავსება

თქვენ შეგიძლიათ, დეპოზიტის სახით, წინასწარ განათავსოთ თანხა შემოსავლების სამსახურის ანგარიშზე და გადამხდელის პორტალიდან, ელექტრონულად წარადგინოთ მომსახურებით სარგებლობაზე განაცხადი შემოსავლების სამსახურის ოფიციალურ ვებგვერდზე www.rs.ge

შემოსავლების სამსახურის მიერ გაწეული მომსახურების საფასურის (საქონლის გაფორმების კუთხით) ჩამოჭრა განხორციელდება ავტომატურად (გარდა წინასწარი დეკლარირებისა).

უპირატესობა!

თქვენ ყოველ ჯერზე აღარ მოგიწევთ მომსახურების საფასურის გადახდის დამადასტურებელი ქვითრის წარმოდგენა.


☎ 2 299 299
✉ info@rs.ge
🌐 www.rs.ge



საპარტემენტო ფინანსთა
სამინისტრო



შემოსავლების
სამსახური



საქონლის გაფორმების
გამარტივებული
შესაძლებლობები

ურთიერთობა მარტივია

იმპორტის სასაქონლო ოპერაციაში საქონლის მოსაქცევად, საქონლის გაფორმების სტანდარტული შესაძლებლობის გარდა (რაც გულისხმობს საქართველოს საბაჟო ტერიტორიაზე საქონლის შემოსვლის შემდეგ მის წარდგენას საბაჟო კონტროლის ზონაში, რის შემდეგაც ხორციელდება დოკუმენტების ფიზიკურად წარდგენა გაფორმების ადგილზე (გაფორმების ეკონომიკურ ზონებში ან საქონლის გაფორმების სამმართველოს განყოფილებებში)), თქვენ შეგიძლიათ ისარგებლოთ გაფორმების **გამარტივებული შესაძლებლობებით**, რაც საშუალებას მოგცემთ, **მაქსიმალურად დაზოგოთ საქონლის გაფორმებისთვის საჭირო დრო.**

წინასწარი დეკლარირება

იმპორტის სასაქონლო ოპერაციაში საქონლის დეკლარირება შესაძლებელია წინასწარ, საქართველოს საბაჟო ტერიტორიაზე საქონლის შემოტანამდე. დეკლარაციის დასარეგისტრირებლად დოკუმენტების წარდგენა შესაძლებელია განხორციელდეს:

- ▶ **ელექტრონულად** - ოფისიდან გაუსვლელად, შემოსავლების სამსახურის ოფიციალური ვებგვერდის www.rs.ge მეშვეობით, გადამხდელის პორტალიდან დოკუმენტების ატვირთვით. მებაჟე-ოფიცერი შეავსებს და დაარეგისტრირებს დეკლარაციას და მის ელექტრონულ ვერსიას დაგიბრუნებთ ვებგვერდის მეშვეობით.



მომსახურების დეპარტამენტის სერვისცენტრებში

- ▶ თბილისი:
 - ▶ ვაკე-საბურთალოს სერვისცენტრი კოსტავას გამზირი №68ა;
 - ▶ გლდანი-ნაძალადევის სერვისცენტრი სარაჯიშვილის ქუჩა №1;
 - ▶ ისანი-სამგორის, ძველი თბილისის და დიდგორის სერვისცენტრი გულუას ქუჩა №4;
- ▶ ზუგდიდის სერვისცენტრი
 - ▶ ქ. ზუგდიდი, გამარჯვების ქუჩა №1;
- ▶ ქუთაისის სერვის ცენტრი
 - ▶ ქ. ქუთაისი, ჯავახიშვილი ქუჩა №5.
- ▶ გაფორმების ეკონომიკურ ზონაში ან გაფორმების სხვა ადგილას დოკუმენტების წარდგენით.
- ▶ დეკლარაციის დარეგისტრირება შეუძლია, ასევე ASYCUDA-ში დაშვების მქონე პირს.

სატრანსპორტო საშუალების მიერ საქართველოს საზღვრის გადმოკვეთის შემდეგ, საბაჟო გამშვებ პუნქტშივე ხორციელდება რისკების მართვის სისტემის მიერ დერეფნის ფერის შერჩევა. **მწვანე და ლურჯი დერეფნების** შემთხვევაში, საბაჟო გამშვებ პუნქტში სრულდება საქონლის გაფორმება. **ყვითელი დერეფნის** შერჩევის შემთხვევაში, საქონლის განთავსება ხორციელდება საბაჟო კონტროლის ზონაში ან საბაჟოსთან შეთანხმებულ ტერიტორიაზე. **წითელი დერეფნის** შემთხვევაში, გაფორმების შემდგომი პროცედურების განხორციელების მიზნით, საქონლის განთავსება ხორციელდება საბაჟო კონტროლის ზონაში.

დაგაბებითი უპირატესობა

წინასწარ დეკლარირებული საქონლის გაფორმება ხორციელდება პრიორიტეტული წესით, მაქსიმალურად შემჭიდროვებულ ვადებში. იმპორტის გადასახდელები გადაიხდება საქონლის გაშვებიდან არაუგვიანეს **15 კალენდარულ დღეში**; ელექტრონულად დეკლარირების შემთხვევაში, მომსახურების განწევისთვის დადგენილი ტარიფები არასამუშაო დროს **არ ორმაგდება**; დარეგისტრირებულ დეკლარაციაში ცვლილების განხორციელებაზე განაცხადი (საქონლის საქართველოს საბაჟო ტერიტორიაზე შემოტანამდე) შეგიძლიათ წარადგინოთ **ელექტრონულად.**

დეკლარირება ოფისიდან გაუსვლელად

იმპორტის სასაქონლო ოპერაციაში მოსაქცევი საქონლის გაფორმების ეკონომიკურ ზონაში წარდგენის შემდეგ, თქვენი სურვილის შემთხვევაში, მებაჟე-ოფიცერი გადმოგიგზავნით თანხმობის დოკუმენტების დასკანირებულ ვერსიას. თქვენი თანხმობის შემთხვევაში, აღნიშნული დოკუმენტების წარდგენა შეგიძლიათ ელექტრონულად, გადამხდელის პორტალიდან. მებაჟე-ოფიცერი შეავსებს და დაარეგისტრირებს დეკლარაციას, მოგაწვდით ინფორმაციას შერჩეული დერეფნის ფერის და შემდგომ განსახორციელებელი ღონისძიებების შესახებ.

ელექტრონულად რიგის დაკავება გაფორმების ეკონომიკურ ზონაში „თბილისი“

თუ ვერ ახერხებთ ელექტრონული დეკლარირებით სარგებლობას, გაფორმების ეკონომიკურ ზონაში „თბილისი“ რიგში დგომის თავიდან ასაცილებლად, შეგიძლიათ წინასწარ დაჯავშნოთ რიგის ბილეთი www.rs.ge -ის მეშვეობით. თქვენ რამდენიმე წუთში მიიღებთ ინფორმაციას თქვენი რიგის ბილეთის ნომრისა და მისი გამოძახების სავარაუდო დროის შესახებ. აღნიშნული მომსახურებით სარგებლობა შესაძლებელია სამუშაო საათების განმავლობაში.

